

Ikuallattoornissamat illersornissag

Innaallagissamat uuttuuteqarfinni sikringeqarpoq atortulersuutillu artukkerneqarnisaannut imaluunniit atortuni ikkusunneqartuni attuuttoornikkut sarfaarunnissamat illersuutaasunik.

Anorimit seqinermillu nukissiuutinut atortunik ikkussuineq najukkami innaallagissiorfimmik isumasioqateqarluni pisariaqarpoq, taakku malittarisassat atuuttut malillugit ikkussassaammata (inatsisit takukkit).

Anorimit seqinermillu nukissiuutit ikkuffimmut/ikkuffilerfimmu nalinginnaasumut atassusiineq inerteqqutaavoq, pissutigalugu taakkua atortulersuutinut sarfamik ingerlatitsisarmata, sikringit assigisaasalu illersornissaanni taamatut atornerqarnissaminnut naatsorsuussaangimmata. Taamatut atassuseeriaaseq atortulersuutinik ikuallattoornermik kinguneqarsinnaasumik kissattoortitsisinaavoq.




Anorimit seqinermillu nukis sioneremut atortulersuutit atassusernissaat taamaallaat innaallagissiorfiup akuersissuteqarneratigut suliarineqassapput aammalu imaalilugit, atassuteqaatini innaallagissap atornerani isumannaatsuunissaq sunnerneqassani.

Tamanut malittarisassag

Inissiat, illuaqqat, illut assigisaallu tamarmik atassuteqaatinut aalajangersimasumik atassuteqanngitsut anorimit seqinermillu nukissiuutit aalajangersimasumik atassusernissaannut malittarisassat malittarissavaat.

Taamaattorli qulaani pisuni innaallagissiorfimmik akuersissuteqarnissaq pisariaqanngilaq.



Innaallagissiornermut oqartussat

Grønlands Elmyndighed

Postboks 1079
3900 Nuuk

Oqarasuaat: +299 34 93 00
www.elmyndighed.gl



Atortorissaarutunik ikkussuineq

ANORIMIT SEQINERMILLU NUKISSIORNEQ



**INNAALLAGISSIORNERMUT OQARTUSSAT
GRØNLANDS ELMYNDIGHED**

Anorimit seqinermillu nukissiorneq

Anorip seqerngullu nukingani Nukissiornerup Kalaallit Nunaanni soqutigineqarnera annertusiartorpoq. Tamannalu ilinnut innaallagisserisumullu oqilisarniarlugu taamatut atortulersuineri ikkussuinermit, ingerlatsinermit aserfallatsaaliinermullu tunngatillugu malittarisassat aalajangersakkallu matumani paasi-saqarfigissavasi.

Pingaartumik erseqqissaatigissavarput:

- Ikkussuineq aallartinneqalersinnagu innaallagissiorfik attaveqarfigineqassammat.
- Tunisassiat CE-mik nalunaqutaqassammat.
- Innaallagissamut atortulersuutit akuerisaasunit suliarineqarnissaat piumasaqaataammat.

Innaallagissiorfik attaveqarfigiuk

Atortussat/atortut innaallagissamik piler-suisussat ikkussorneqalersinnagit najuk-kami innaallagissiorfik attaveqarfigine-qassaaq.

Innaallagissiorfik tassaavoq atortussat /atortut pineqartut attaveqaatinut ikkun-neqarnissaannik aalajangiisussaq, tassa-mi taakkua isumannaatsuunissaq qulak-keersinnaaniassammassuk. Aammami attaveqaatini sarfap killormuulersinnaa-nera pileratarsinnaammat, naak sakkor-tussuseqanngikkaluarluni.

Najukkani assigiingitsuni innaallagissior-feeqqat innaallagissiorfik ilisimateqqaar-tinnagu attaveqaatinut sarfamik ingerla-titsisinnaangillat.

Tunisassiat

Tunisassiat innaallagissamut attaveqaa-tit peqatigalugit ingerlatsineri atortus-sat CE-mik nalunaqutaqassapput. CE-mik nalunaqutaqartitsineq tassaavoq tu-nisassiami aammalu elektromagnetisme-mi akornusersuutaasinnaasutigut isu-mannaatsuunissaq pillugu piumasaqaatit naammassineqarsimanerannut takussu-tissaq (EMC).

Tunisassiat eqqortumik ikkussorneqas-sappat atorneqassappallu atornissaanut danskisut kalaallisulluunniit ilitersuut paasineqarsinnaasoq pigineqassaaq.

Aammattaq anorisaatinut paasissutissat pigineqartarput, amerlanertigut tassaasut typip sorliunissaanut akuersissut, tassa-nilu takuneqarsinnaalluni anorisaat anorinut silallu pissusiinut qanoq ittunut atortussanngorlugu ikkussorneqarsin-naanersoq kiisalu anorit sunniutigisinnaa-saallu kiisalu qanoq nipitutigisinaanut paasissutissat.

Ikkuffimmut ikkussinissaq inerteqqutaavog

Anorimit seqinermillu nukissiornermut atugassatut tunisassiat arlaqartut ikkuffimmik nalinginnaasumik ikkuffeqar-tartut Innaallagissiornermut Oqartussat takusarpaat. Tusagassiorfinni allaaserisa-ni ilanngutassianilu ilaatigut takuneqar-sinnaasarpog tunisassiat taamaattut angerlarsimaffimmi ikkuffimmut nalingin-naasumut qanoq ikkussuunneqarlutillu atassuserneqartartut.

Erseqqissaatigineqassaaq innaallagissa-mut attaveqaatini atortussat/atortullu tamakkua taamaaliorluni atassuserneqar-nissaat inerteqqutaammat.

Immikkoortumi atassusiineq ingerlatsi-nerlu erseqqinnerusut atuakkit.

Atassusiineq ingerlatsinerlu

Anorimit seqinermillu nukkiuutit nalinginnaasumik innaallagissamut aq-quersuutitut tamatigut atassuserneqar-simassapput, aalajangersimasumik atas-uteqartillugit.

Atortulersuutilli ilaatigut immikkut atta-veqartillugit atassuserneqarsinnaapput anorimit seqinermillu sarfalersuutit ikin-neqarsimatinnagit sakkortussuseqarsin-naajunnaarsillugit.

Inigisami atortulersuutitut atassusiineq tamatigut innaallagisserisumit allagarta-limmik suliarineqartassapput.

Innaallagissamut uuttuutit ilaasa sarfamik atuneq nalunaarsortarpaat apeqqutaatinnagu sarfaq nammineri-samit tunisassiarineqarsimanersoq attaveqaatinngaanilliunniit tunniunneqartarnersoq.

Tassa imaappog ininik piginnittut ilaat ajornerpaamik pisoqartillugu sarfamut anorimit seqinermillu innaallagissium-minngaanneersumut aammattaq akileqqullugit qinnuigineqarsinnaasut.

Tamanna pinngitsoorniarlugu innaallagis-siorfik attavigineqassaaq.

Kommunini sanatitsinissamut akuersi-suteqartarneq nunaminertamillu tunnius-sisarneq pinngitsoorani pisussaapput.

Tamatunngatunngatillugu paasissu-tissinneqarnissamik kommuunit attaveqarfigiuk.

Inatsiseqarneq

Anorimit seqinermillu nukissiuutitut mikisunnguugaluartunut allaat, innaallagissamut atortulersuutitallit assigalugit, malittarisassaqarpoq aalajangersagaqarlunilu atorneqartussanik.

Pegqussutit nalunaarutillu
Inatsisartut inatsisaat nr. 12 3. novemberi 1994-imeersoq.

Namminersornerrullutik Oqartussat nalunaarutaat nr. 13 11. juni 1996-imeersoq.

Innaallagiat pillugu inatsiseqarneq

- Kalaallit Nunaanni innaallagissamut atortulersuutit pillugit ataatsimoortumik aalajangersakkat.
- Sarfaq sakkortoog pillugu nalunaarummi immikkoortoq 6 aamma 6A, Kalaallit Nunaanni innaallagissamut atortulersuutit.
- Ataatsimoortumik malittarisassat 2009-imeersut kiisalu kalaallisut tapiliusaaq.

